

AUGLÝSING

um staðfestingu safnaráðs á stofnskrá Sagnheima (Byggðasafns Vestmannaeyja).

Með vísan til 3. tl. 10. gr., sbr. c-lið 2. mgr. 7. gr. safnalaga nr. 141/2011, staðfesti safnaráð þann 21. nóvember 2013 stofnskrá Sagnheima (Byggðasafns Vestmannaeyja).

Stofnskráin er birt sem fylgiskjal með auglýsingu þessari.

Reykjavík, 25. júní 2015.

F.h. safnaráðs,

Ágústa Kristófersdóttir framkvæmdastjóri.

Fylgiskjal.

STOFNSKRÁ fyrir Sagnheima, byggðasafn.

1. gr.

Sagnheimar, byggðasafn er í eigu Vestmannaeyjabæjar en rekið af Þekkingarsetri Vestmannaeyja. Framkvæmdastjórn Þekkingarseturs Vestmannaeyja er stjórnarnefnd safnsins. Breytingar á stefnu eru aðeins gerðar með samþykki bæjarstjórnar Vestmannaeyja en fræðslu- og menningarráð fer með faglega umsjón safna í eigu Vestmannaeyjabæjar. Stjórnarnefnd hefur eftirlit með að samþykktum og stefnu sé fylgt. Stjórn safnsins er að öðru leyti í höndum safnstjóra og framkvæmdastjóra Þekkingarseturs Vestmannaeyja.

2. gr.

Aðsetur safnsins er í Safnahúsi Vestmannaeyja. Einnig geta heyrt undir safnið munir og mannvirki sem varðveitt eru annars staðar á starfssvæðinu, sbr. 8. og 9. gr.

3. gr.

Sagnheimar, byggðasafn starfar í almannabágu, samkvæmt samþykktum bæjaryfirvalda og landslögum, safnalögum og siðareglum Alþjóðaráðs safna, ICOM (International Council of Museums).

4. gr.

Verksvið safnsins er alhliða söfnun, skráning og varðveisla þjóðlegra verðmæta, er snerta byggðarsögu svæðisins s.s. fyrri búskaparháttu, sögu sjávarútvegs, siglinga, verslunar, iðnaðar og annarra atvinnugreina, félags- og menningarsögu svæðisins í víðasta skilningi. Ennfremur er það í verkahring safnsins að kynna íslenskan menningararf á sem breiðustum grundvelli, t.d. með því að stofna til faglegs samstarfs við önnur söfn og stofnanir og/eða sérsýninga svæðisbundið, á landsvísu og á alþjóðavettvangi eftir því sem við verður komið.

5. gr.

Alla þá muni, filmur, myndir og önnur safnverðmæti er berast safninu skal skrásetja samkvæmt viðurkenndu skráningarkerfi minjavörslunnar í landinu, merkja og koma í eins tryggja vörslu og unnt er. Hvorki má gefa né selja þá muni sem safnið hefur eignast, en lána má muni til langtímaláns með samþykki fræðslu- og menningarráðs. Ekki er safninu skylt að veita viðtöku munum eða öðrum minjum, sem kvaðir fylgja um frágang, varðveislu eða sýningu.

6. gr.

Hlutverk safnsins er í meginatriðum tvíþætt:

a) Safnið skal kappkosta að safna, skrá og varðveita menningarverðmæti á markvissan hátt með sérstakri skírskotun í sérstöðu Vestmannaeyja.

b) Safnið skal vera kennslu- og fræðslustofnun fyrir almenning og skóla.

Þessum markmiðum skal leitast við að ná með föstum sýningum, þar sem heillegt yfirlit er gefið um byggðar- og menningarsögu svæðisins. Jafnframt skal safnið gangast fyrir tímabundnum sýningum og/eða farandsýningum í safninu í samstarfi við önnur söfn og stofnanir. Stuðla skal að markvissu samstarfi við skóla.

7. gr.

Safnið skal gera safnkost sinn og heimildasöfn aðgengileg almenningi og fræðimönnum og vera opið á auglýstum tímum. Safnið og starfsemi þess skal kynnt nemendum í skólum í samráði við skólafyrirvöld í Vestmannaeyjabæ. Einnig skal efnt til slíkrar fræðslu fyrir almenning í safninu á fjölbreyttan hátt.

8. gr.

Safnið skal hafa umsjón með varðveislu á menningarsögulega merktum byggingum og öðrum mannvirkjum, sem ástæða er talin til að vernda á svæðinu í samvinnu við hlutaðeigandi aðila.

9. gr.

Safninu er heimilt að varðveita safnmuni og aðrar minjar utan veggja safnsins, gefist ekki kostur á að flytja slíka muni í safnið eða betur hentar að varðveita þá annars staðar. Ráðstöfun og meðferð slíkra muna sem og annarra eigna safnsins skal bundin ákvörðun fræðslu- og menningarráðs í samráði við safnstjóra Sagnheima, byggðasafns.

10. gr.

Ráðning safnstjóra fer fram skv. starfsmannastefnu Þekkingarseturs Vestmannaeyja. Safnstjóri Sagnheima, byggðasafns skal hafa háskólamenntun á menningarsögulegum grunni, s.s. fornleifafræði, safnafræði, sagnfræði, þjóðfræði, þjóðháttafræði eða mannfræði. Safnstjóri starfar í umboði framkvæmdastjórnar Þekkingarseturs Vestmannaeyja en hefur greiðan aðgang að eiganda safnsins sem er Vestmannaeyjabær. Safnstjóri ber ábyrgð á daglegum rekstri og stjórnslu safnsins. Hann ber ábyrgð á faglegum rekstri safnsins og vinnur að almennri stefnumótun til samþykktar hjá stjórnarnefnd safnsins.

11. gr.

Rekstrarkostnaður safnsins greiðist úr bæjarsjóði samkvæmt samningi við Þekkingarsetur Vestmannaeyja og í samræmi við fjárhags- og starfsáætlanir ár hvert. Allur arður af starfsemiinni rennur til safnsins til frekari uppbyggingar og reksturs.

12. gr.

Verði ákveðið að leggja safnið niður skal safnkosti þess ráðstafað í samráði við Þjóðminjasafn Íslands. Öðrum eignum skal ráðstafað að höfðu samráði Vestmannaeyjabæjar við ráðuneyti mennta- og menningarmála.

13. gr.

Stofnskrá þessi gildir til allt að fjögurra ára.